



ATASSUT

UPA2015/43-1

Siverth K. Heilmann

28.04.2015.

Inatsisartut aamma Inatsisartut allaffeqarfiani aningaasartuutit tamanit takuneqarsinnaanngornissaat kiisalu kialluunniit paasiniaasinnaanngornissaa anguniarlugu Inatsisartut Suleriaasiata allanngortinnissaanut Inatsisartut Siulittaasoqarfia saqqummiusseqqullugu peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Inatsisartuni ilaasortap Randi Vestergaard Evaldsen, siunnersuutaanut imatut ATASSUT-miit oqaaseqassaagut.

Siunnersuuteqartoq tunngavilersuuteqarnermini pingaartippaa, Namminersorlutik Oqartussat Kommunnillu, pisortat aningaasaataanik atuineq tamanit takuneqarsinnaasariaqartoq aammalu oqaatigalugu, inatsisartut inatsisaanni nr. 9, 13. Juni 1994-imeersumi takunnittussaataitaneq qularnaarniarneqarsimasoq.

ATASSUT-miit isumaqarpugut, takunnissinnaatitanerup qulaavinnissaa inatsisiliortutut mianerineqartariaqartoq, ilaatigummi suliffinnik nutaanik aallartisarniartoqartillugu, namminersortut pisortallu aningaasaleeqatigiissinnaasarput, unammillernerli pissutigalugu, suliap killilimmik matoqqasuunissamik kissaateqartoqartarnera ATASSUT-miit eqqumaffigeqqussavarput.

ATASSUT-miit siunnersuuteqartup tunngavilersuutaani tikkuagai, Inatsisartut Inatsisartullu Allaffeqarfiani aningaasartuutininik kikkuluunniit takunnissinnaatitsineq ammasuni ATASSUT-miit soorunami periarfissaajuassasoq tapersorsorparput aammali tamaginni matoqqatitsinissaq kissaatigineqartoq isumaqatigiissutigineqarsimappat ataqqineqassasoq kissaatigaarput.



ATASSUT INATSISARTUNI

Taamatut naatsumik ATASSUT-miit oqaaseqarluta, inassutigissavarput una suliaq aappassaaneerpeqannginnermini ataatsimiititaliami susassaqartumi peqqissaarullugu suliarineqarnissaa.